



**Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 2. Priores decem Molinæ propositiones, earumque censuræ denuo  
recognitæ.

---

[urn:nbn:de:hbz:466:1-67204](#)

Sæc. XVII. linæ propositiones ex ignorantia dog-  
A. C. 1601. matum Pelagianorum & Semipelagia-  
 norum fuisse rejectas.

## §. II.

*Priores decem Molinæ propositiones,  
 earumque censuræ denuo re-  
 cognitæ.*

*Cornonell. in* **H**is prævie agitatis die vigesima quinta  
*Judic. Con-* Januarii designati Censores unacum  
*greg. Hist.* Prædicatorum ac Jesuitarum Theologis  
*Congreg.* juxta Pontificis mandata convenientiunt,  
*l. 2. cap. 14.* quibus in primo conventu Propertius  
*Hist. Livini* Resta Cariatensis Episcopus, in cuius  
*Majer l. 4.* palatio cunctæ quarti hujus examinis  
*cap. 1.* Congregationes habebantur, nomine  
*Pegna in* Pontificis præcepit, quatenus seposito  
*Diar.* partium studio viginti Molinæ proposi-  
 tiones jam antea censuris notatae uni-  
 cuique traderentur, eo fine, ut suas quis-  
 que vel vindicias, vel accusations Con-  
 gregationi scripto proferendas parare  
 posset. His peractis impositoque sinceri-  
 tatis ac silentii juramento idem Episco-  
 pus priores duas Molinæ propositiones  
 prælegi, atque ad examen vocari in-

*P. Livin.* dixit: De utraque hac propositione die  
*Majer Hist.* vigesima nona ejusdem Mensis edi-  
*Controv. l. 4.* cebant Consultores, quod a semi-  
*cap. 1. p. 257.* tis Pelagii & Cassiani non discedere  
 videretur. Jesuitæ autem utramque  
 affer-

assertionem ab his erroribus vindica- Sæc. XVII.  
bant, ostendentes, secundam proposi- A.C. 1601.  
tionem minus integra fide ex Molina  
fuisse excerptam, & Pelagium æque ac  
Massilienses longe aliter docuisse: De-  
nuo autem ingerebant, quod duntaxat  
de Pelagii erroribus disputaturi conve-  
nissent, econtra vero Fratres Prædica-  
tores reponebant, quod Pelagii mens  
atque errores jam dudum Ecclesiæ fue-  
rint cogniti, ejusque judicio damnati,  
proin non de iis agendum, sed unice  
discutiendum superesset, utrum præ-  
fatæ propositiones ex Molinæ libro fi-  
deliter extractæ nuper Pelagianismi  
censuris merito fuerint perstrictæ. His  
ultra citroque agitatis die prima Fe-  
bruarii rursus de utraque hac proposi-  
tione actum, ubi Consultoribus pristinæ  
suæ censuræ insistentibus Jesuitæ suas  
responsiones Congregationi tradebant,  
de quibus quidem die tertia Februarii  
actum, ob absentiam tamen Duorum  
Censorum Bovii & Crellii earum deci-  
sio ad quintam Februarii diem dilata est:  
Tum vero tam Prædicatores quam Pa-  
tres Societatis sua responsa ad sequen-  
tes quatuor Molinæ propositiones ea-  
rumque censuras scriptotenus tradere  
jussi sunt; cum enim Jesuitæ a Thoma cap. 5. p. 266.  
de Lemos quædam Molinæ injuriose  
fuisse imposita animadverterent, roga-  
bant

**Sæc.** XVII. bant pro jure suo, ut quæ dixisset, scri-  
**A.C.** 601. pto traderet. Paruit Lemosius, atque  
 ea, quæ dixerat, paullo tamen mol-  
 lius conscripsit, cauissatus, quod cetera  
 jamjam iisdem plane verbis scripto Con-  
 sultoribus dato consignasset. Postea E-  
 piscopus Cariatensis die octava Februa-  
 rii habita Congregatione utriusque par-  
 tis Theologos nomine summi Pontificis  
 admonuit, ut deinceps sua de proposi-  
 tionibus atque censuris responsa sine al-  
 tercatione aut mutua contentione pro-  
 ferrent, quo auditio Christophorus Co-  
 bos Jesuita tertiam Molinæ proposicio-  
 nem injuste notatam asserens, & de  
 quarta se nihil paratum habere dicti-  
 tens, concessi sibi temporis angustias  
 incusabat, rogans Consultores, ut dein-  
 ceps una duntaxat Congregatio in qua-  
 vis hebdomada haberetur. Id quoque  
 ejusdem petitioni datum, atque in se-  
 ptima Congregatione die duodecima Fe-  
 bruario statutum, ut feria secunda pro  
 partibus audiendis, feria autem quinta  
 duntaxat interConsultores pro discussio-  
 nes Theologorum responsis Congregatio  
 haberetur. Porro circa tertiam & quar-  
 tam Molinæ propositionem Plumbinus  
cap. 5. p. 267. hoc pronuntiabat judicium: *non exis-  
 timo eas esse de reliquiis Pelagii neque ejus fau-  
 torum, nec video, quod sit semipelagiana:*  
 Bovius vero Carmelitarum Regens in-  
 quiebat,



quiebat, tertiam esse Catholicam & pro-Sæc. XVII.  
babilem, quartam quoque sicut Superiores A.C. 1601.  
nulla censura dignam censeo: ceteri autem  
omnes Censores existimabant, non esse  
recedendum a sententia & censura an-  
tehac pronuntiata. Proponebantur post-  
ea quinta & sexta Molinæ propositiones  
unacum utriusque censura: Utriusque  
defensionem arripuit Pater Gregorius  
de Valentia olim in Ingolstadiensi Aca-  
demia Theologiæ Professor, Dominica-  
nis tum nihil plane in contrarium op-  
ponentibus, qui tamen postea tempus  
opportunum nacti in arcanis suis anim-  
adversionibus, quas scriptas Consultori-  
bus, invitis licet Jesuitis, suppedita-  
runt, quædam Molinæ falso imposue-  
runt, quæ scripto pariter refutata fuisse  
a Theologis Societatis, testatur præ-  
fatus Pater Livinus. Percepta igitur  
Jesuitarum defensione rursus omnes  
Censores pronuntiabant, utramque pro-  
positionem Pelagii erroribus affinem  
esse, Plumbinus vero & Bovius cen-  
suere quintam non esse semipelagianam,  
imo in fide tutam & in schola proba-  
bilem, sextam vero nulla censura di-  
gnam: Joannes autem deRada primam  
partem sextæ propositionis dixit eadem  
censura dignam, qua notandam prius  
censuit secundam. Die decima octava  
Februarii in nona Congregatione Di-

A 4            dacus

Sæc. XVII. datus Alvarez Dominicanus suum judi-  
 A.C. 1601 cium circa septimam Molinæ proposi-  
 tionem scripto reliquit, pro Molina au-  
 tem Petrus Arrubal & præcipue Gre-  
 gorius de Valentia perorabant, nihilo-  
 minus hæc a plerisque Consultoribus  
 proscripta est. Non minus strenue vin-  
 dicabatur octava propositio, circa quam  
 tamen die vigesima secunda ejusdem  
 Mensis decretum est, persistendum esse  
 in censura jam olim lata: Joannes quo-  
 que Rada septimam esse semipelagianam  
 asseruit, Plumbinus vero neque  
 Pelagianam neque semipelagianam, &  
 Bovius omnino fidei consonam cense-  
 c. 10. p. 276. bant. Nona Molinæ propositio, si Li-  
 vino fides, transposita, interrupta,  
 truncata, & infideliter ex Molina de-  
 cerpta, atque a Censoribus proscripta,  
 a Molinæ vindicibus restituta, & pro-  
 pugnata est: idem quoque testatur de  
 propositione decima.

## §. III.

*Quarti examinis continuatio.*

*Hist. Congr. Livin. Ma-  
 jer Hist. controv. l. 4.  
 t. 16. & seq.* Postquam pristina censura a plerisque  
 Consultoribus fuerat confirmata,  
 plane Molinæ caussam in vado esse jacti-  
 tabat nonnulli, nihilominus non pau-  
 cis tam validæ videbantur Molinistarum  
 vindiciæ, ut victoria utrinque nutare  
 crede-